

Ո՞ր ազգութեան կը վերաբերէր Պողիկտոս, կարծիքները կը տարբերին. անմահ թատրերգակն Գորնէլլ, որ 1643 ին բեմադրեց Պողիկտոսը և պանծացուց անոր յիշատակը, հայազգի կը համարի զայն և իշխանական ցեղէ, և կ'անուանէ Seigneur Arménien: Այլշան ալ նոյն կարծիքն ունի (Տե՛ս Յաշիլիֆ, Բ. էջ 239): Շատ կանուխէն, ինչպէս տեսանք, Մելիտինէն հայաքաղաք մըն էր, որ յետոյ Երոտոյ Հայք անունը ստացաւ. հուանական է որ Պողիկտոս հայ ծագում ունէր, թերևս ազնուական գերզատանէ սերած: Մելիտինէի հայ ազնուականութիւնը շատ վաղնջական պէտք է նկատել: Բիեռական արձանագրութեանց մէջ կը յիշուին Մելիսեանիֆ = Մելիսայ, Մելիսիւայի և Մելիսիևեանիֆ (Տե՛ս Բաւնասեր, Հայ Նախարարութիւնները քեռնածեռ արձանագրութեանց մեջ. 1901, էջ 249): Թերևս այդ ազնուականութեան համար էր որ Պողիկտոս ամուսնացաւ Մելիտինէի հռոմայեցի կուսակալին աղջկանը հետ. սոսկական մը պիտի չզրնար ընել զայդ, ինչպէս կը կարծէ Այլշան (Նոյն, Անդ):

3. Պողիկոսն վկային պաշտամունքը.

Պողիկտոսի անունը նշանաւոր եղաւ Արեւելքի և Արևմուտքի մէջ: Արեւելեան վկայարանութիւնը կը յիշատակէ 7 Յնվր. 14 Փետ. ի Մելիտինէ. 22 Յնվր. ի Նիկումիդա. 21 կամ 22 Մայիս՝ ի Կեսարիա Կապադովկիոյ: Ասորական վկայարանութիւնը՝ 19 Ապր. և 3 Մայիս, իսկ Հերոնիմեանը՝ միևնոյն թուականներուն, ինչպէս նաև 13 և 27 Ապր.: Հայ եկեղեցւոյ տօնկիր սուրբերէն մին է Պողիկտոս: Ի պատիւ անոր եկեղեցիներ կառուցուած են Դ. դարու կիսուն, ի Մելիտինէ, սուրբին տապանին վրայ, որուն պարզեր կը նկատուի Եւզիմէոս՝ Պաղեստինի հռչականուն անապատականը. ի Կ. Պոլիս, Վաղենտինոս կայսեր (364-375) աղջկան կողմէն հիմնուած եկեղեցին, որուն այցելած է Տուրացի Գրիգոր Եպս., բարեպաշտ Թիկին մը, Յուստինիանոսի օրով, այդ եկեղեցւոյն ներքին կողմը ոսկեով զարդարած է, իր ստացուածքը նոյն կայսրէն ազատելու համար. մարդիկ նոյն եկեղեցւոյն մէջ կը կատարէին իրենց ամենէն հանդիսաւոր ուխտոր: Ռավիենայի մէջ ալ Ս. Պողիկտոս ունեցած է եկեղեցի մը, որուն նաւակատիքը կը կատարուէր Ապր. 9 ին.